

中國風土志叢刊

● 宋平江城坊考
● 吳門畫舫錄

- ◇ 郡縣沿革
- ◇ 山川改易
- ◇ 古迹存亡
- ◇ 風俗演變
- ◇ 氣候變遷
- ◇ 鄙事俚語
- ◇ 人情掌故
- ◇ 城坊舊聞



王
謇
撰

宋平江城坊考

《宋平江城坊考》

《宋平江城坊考》五卷首一卷附錄一卷，王謩撰。民國十四年（1925）仿宋鉛印本。

王謩（1888—1969），原名鼎字佩諱，號瓠廬，晚號瓠叟。室名淞濱小廬。江蘇吳縣（今江蘇蘇州）人。東吳大學畢業，長期從事文教工作。學問淵博，長於金石之學，精通吳中文獻掌故，家中藏書豐富，一生勤於著述，約有二十餘種成稿。

蘇州，宋代爲平江府，王謩據宋紹定二年（1929）刻立的平江圖碑所記內容，引《吳郡志》、〔洪武〕《蘇州府志》、〔正德〕《姑蘇志》等資料，實地踏勘，歷時七年完成本書。卷首叙目：卷一西南隅；卷二西北隅；卷三東南隅；卷四東北隅；卷五城外；附錄鄉都、坊市、橋梁、里巷、官宇、營寨、吳中氏族考補、吳中故市考。以通衢爲經、支巷爲緯，繫以人物列傳、園林府第、物產故市、金石銘刻、書刊題跋、掌故傳說等內容，全面考證宋至民國間蘇州城坊情況。書前有王謩乙丑年（1925）自序。

宋平江城

坊

乙丑春日

吳湖帆署



吳中方志之作六朝而上書闕有間矣唐陸廣微吳地記宋朱長文吳郡圖經續記椎輪大輅粗具規模至范文穆吳郡志盧精微之觀惟伊蘭臺天祿之藏左圖與右史並稱我吳自祥符圖經失傳歲久兒朝以前往迹幾不堪重問何幸平江圖碑矗立於座巍然魯殿靈光圖續續密古氣磅礴南渡舊迹猶照人耳目蓋自圖失其政海內分裂雖吳越錢氏以保境安民爲職志而後魏圖來之古迹已蕩然無存圖經續記所謂郡郭三百餘巷皆南唐而失之者板蕩之迹蓋可覩矣建炎兵燹胡騎戎馬馳突相逐居游牧之風所至以焚掠殘毀爲天性吳中坊市悉夷爲蕪地讀徐大焯燼餘錄猶可想見當時慘狀吳郡志所謂建炎狹難吳中古名屋惟城南覺報寺子城天王堂以爲幕僅存至今訪古城市自橋梁題刻以地下隱僻獲免而外凡地面以上幾無一碑一刻之遺北禪寺門左一井闌題紹興三十年紀元者已爲城中至古器物毀滅之酷蓋若是其烈

也平江圖碑始不祥其何時所刻程氏祖慶吳郡金石目亦僅據瞿木夫說以刻碑人呂挺張允成允迪三人姓名疊見宋理宗寧宗兩朝碑刻遂斷爲南宋故物而未詳其年月余因讀趙汝談吳郡志序及吳郡志官宇門所載紹定二年郡守李壽明重建坊市故實始悟平江圖碑亦必刻於是年證以碑中公署寺觀凡建於紹定二年春夏以前者圖中悉有秋冬以後新建者卽無益信刻行吳郡志興復古名迹鐫成平江圖悉在是年因博稽唐宋以來史傳志乘金石文字集部筆記之屬仿大興徐氏唐兩京城坊攷江陰繆氏京師坊巷志之例舉凡坊表橋梁壇廟寺觀官宇第宅園林山水之屬圖有題榜無不一一爲之考證時當己未庚申間方爲邑修志局網羅放失舊聞兼助纂金石藝文坊巷橋梁各門志藁乃陳書發篋有所得則露鈔雪纂不足更通假親戚故舊所藏以補益之於金石文字則自諸家箸錄而外更刺舟周歷城內外挾氈墨以自隨解衣槃礴日摩挹於廢橋荒寺間土人觀者輒如環堵咸目笑其癡而余

夷然不以介意故是編所采撫金石文字多前人未箸錄品又以是圖街巷皆有圖而無題榜因見盧教授洪武志坊巷門其名稱與舊志續補范志坊市小注相出入又以洪武志鄉里與正德志校始知盧志專尚稽古王志乃遵時制證以所得天下一朝碑碣斷幢古井石柱所題刻施主鄉里街巷與盧志又一一詳核益信盧志巷名多有宋舊稱爰冥行塗索以通衢爲經支巷緯逐一補榜亦爲考證於是橋梁坊表諸事始同條共貫有據不紊其名稱失傳之街巷凡圖所有者爲之遵宋人體例逐條補入或綴以舊稱之近古者仍注明未見箸錄以資區別凡書所有而不能確指卽爲圖中何巷者另列一表附諸卷末以補蓋闕之義並將各古志鄉都沿革及紹定二年後續立之坊表橋梁官宇爲是圖所不及載者殿焉其朱氏續記繁蕪屬志小序亦弁諸卷首以資讀者考索又援以經證經以史證史之義將范盧王三志參伍錯綜互相鉤稽因圖第門藍師稷提刑所居萬花堂在資壽寺後是圖寺在今鈕

家巷南而悟藍家巷卽康熙志之鑾駕巷亦卽今鈕家巷藍鑾鈕三字家駕二字互爲音轉也姑蘇志朱香獅巷卽在是圖張師橋附近因悟朱張雙聲張香疊韻易詞言之朱香獅卽張師之反切耳以此例彼王志之張泥金浜巷顯係盧志船場橋注中之張林浜泥金切吟林吟疊韻遂致沿誤也至於古巷名驟觀之不能知而細核古志可參稽而得者若許蘊子巷舊志向未注明其址姑蘇志橋梁門鄔家橋在許蘊子巷口是圖鄔家橋在今西麒麟巷口因以知許蘊子巷卽今西麒麟巷且以杉瀆巷姑蘇志作蓮花池巷於附近東西采蓮射采之義近因悟一巷兩名遞嬗因革之理以宋知州賈青造樂籍堂事盧志載樂營堂巷下王志載晉寧坊巷下因悟樂營堂巷卽今晉寧坊巷以是圖旌義坊卽在馬脊梁巷而悟近志並載二巷之謬以志載流真巷因柳氏貞女居之而就厥諧聲改號柳貞因悟明王敬臣所居之大儒巷卽宋報恩寺塔殘磚所稱之道義鄉大木巷必一名大樹巷又以宋人以雄節爲南營全捷爲北營威

果必爲中營而知盧王二志失載中營基巷之非因盧志氏族門諸姓吳音讀如遮遮與查疊韻因悟吳郡志之諸家橋卽是圖志所載者志所稱查先生巷當從盧志作諸先生巷所見亦是其餘補志之闕者則官字門有贍軍務與宋史兵志合川澤圖有熱圖匯在齊門外與世傳東匯西匯符凡若此類不勝枚舉藉微圖奚資考覈此外於舊志罅漏俗稱謬誤之處參據典籍以正者不知凡幾其須旁徵博引疏通而証明者更附此以說之務使語不離宗證據確鑿無一語無來歷無一字之杜撰而後安蓋窮年累月兀兀不休者七載於茲矣君夫姜家巷古晉照院佐家橋之報恩院濠股巷之竹堂寺圓通橋之資福院北園之北觀音院飲馬橋之資福東院藍家巷之丁晉公廟寧巷之更衣亭盤門之收稅亭葑門之接官亭盤門之廣濟閣葑外之利濟院子城及盤閭葑門之土地廟以及叢家庵張家庵程宅墳白坡山或事涉細微或地居隱僻徧檢羣書羌無故實倘蒙海內鴻博發其艱藏示以南針則一

字之師奚翅百朋之錫乎又姑蘇志坊巷門所載錦繡坊巷阜
通坊巷迎僊坊巷真慶坊巷與是圖所載其分隸之四隅不同
可知盧教授所謂坊巷之名詢於芻蕘父老有不能舉其名者
果信而有徵李太守所重建有不能盡在古坊原處者矣此自
來修志家所未及亦因得是圖而創通其義附識於此以見志
才之難乙丑陬月吳縣王謩自序

宋平江城坊攷卷首

敘目

吳門表隱蘇州城圖宋時勒石郡學而地名詳備者

乾隆十年知府傳椿鑒板行世四十八年知府胡世銓重刻

坊市

吳郡圖經續記圖經坊市之名各三十蓋傳之遠

矣如曳練坊者或傳孔子登泰山東望吳閭門歎曰吳閨有白馬如練因是立名黃鸞市之名見白公詩所謂黃鸞巷曰鸞欲語烏鵲橋頭冰未消是也其餘皆有義訓不能悉知其由其巷名見於載籍者如彈鋏渴烏一二種皆莫知其處迺知事物不著於文字之間則艱於傳遠故方志之說不可廢也近者坊市之名多失標榜民不復稱或有因事以立名者如靈芝坊以樞密直學士蔣公堂旁冠坊因侍御史范公師道德慶坊今太子賓客盧公革各以所居得名蓋古者以德名鄉之義也苟擇其舊號益以新稱分其邑里因以彰善旌淑不亦

味平江坊坊名卷首

美哉昔梅福棄官易名姓爲吳市門卒今此有西市門
殆其所隱乎 葉夢得避暑錄話吳下全盛時衣冠所
聚士風篤厚尊事耆老來爲守者多前輩名人亦能因
其習俗以成美意舊通衢皆立表揭爲坊名凡士大夫
名德在人者所居往往因之以著元參政厚之居名袞
繡坊富祕監嚴居名德壽坊蔣密學堂居嘗產芝草名
靈芝坊范侍御師道居名豸冠坊盧龍圖秉居奉其親
八十餘名德慶坊朱光祿居有園池號樂圃坊 吳郡
志長慶集云六十坊者舊經所籍如之後頗隨事而有
創有易今六十五坊 按坊名表與本圖同 紹定二年春郡
守李壽朋並新作之壯觀視昔有加 盧熊蘇州府志
易曰庖犧氏沒神農氏作日中爲市古史考曰神農作
市世本曰祝融爲市周禮司市有大市有朝市有夕市
蓋古之市卽今之坊也市門卽坊曲也蘇鶚演義曰坊
方也言人所在里爲坊又方以類聚居者必求其類故

秦漢有市門之官吳之坊市見於傳記舊矣如越絕書云閭閻舞鶴吳市又吳市春申君所造開兩城以爲市按五霸鼓腹吹篪乞食於吳市漢梅福棄官爲吳市門卒儲是職故干將坊卽東市門又東則盡市橋西市坊卽西市橋又西則市曹橋并穀市橋小市橋據此則吳舊市在東西街今在街之南北未詳何時所徙或云建炎兵火後也白樂天詩云七衢八門六十坊其名已載舊經嘉泰初年四月郡守趙不艱復改俗號表以嘉名是時去建炎四年已七十載詢於芻蕘或有失其舊者紹定二年李壽朋重立六十五所咸道中黃萬石又新之茲以城內樂橋正居市中心故就橋下少北十字街界其坊市爲四隅其不在郭中則分屬於各門之外庶使後人易於觀覽焉王鑿姑蘇志表厥宅里自周有之所以賢其人也後世乃以表科第近又以表其官此有司崇重激勵之意其亦盛矣吳中古坊甚多其巷名亦

多沿於古今並列焉然其義則或有不可攷者矣

橋梁

吳郡圖經續記吳郡昔多橋梁自白樂天詩嘗云

紅闌三百九十橋矣其名已載圖經逮今增建者益多

皆疊石甃甃工奇緻密不復用紅闌矣然其名未嘗徧

錄也近度支韓公子文爲守命每橋刻石於旁幢幢往

來莫不見之其有各自古昔或近事可述者記於此

吳郡志唐白居易詩曰紅闌三百九十橋本朝楊備詩

亦云畫橋四百則吳門橋梁之盛自昔固然今圖籍所

載者三百五十九橋在郡城者今以正中樂橋爲準分

而四達隨方敘之門外及外縣略附見焉 盧志吳郡

號爲澤國因震澤巨浸東接五湖又東注入城闔縱橫

交流居民賴以灌濯凡舟楫輿販悉由是而旁通焉故

橋梁爲多唐白樂天詩云紅闌三百九十橋自宋以來

皆疊石甃甃堅巧緻密始不用紅闌矣熙寧中度支郎

中韓鐸乃命刻名於旁楊備亦云畫橋四百龔氏三百

六十皆舉其大概耳今以市心樂橋爲中而左右分爲兩縣其在左者居東屬長洲縣其在右者居西屬吳縣其在城外者各隸其五門之下姑蘇志蘇爲澤國環城內外皆水也故橋特多觀樂天詩云紅闌三百九十橋可見矣自宋以來始贅以石而增建益繁今舉郡縣輿梁之大者書之而不甚著者略焉

寺觀 吳郡圖經續記自佛教及於中土旁及東南吳赤烏中已立寺於吳矣其後梁武帝事佛吳中名山勝境多立精舍因于陳隋浸盛于唐唐武宗一旦毀去已而宣宗稍復之唐季盜起吳門之內寺宇多遭禁剽錢氏帥吳崇嚮尤至於是修舊圖新百堵皆作竭其力以趨之唯恐不及郡之內外勝刹相望故其流風餘俗久而不衰民莫不喜蠲財以施僧華屋邃廡齋饌豐潔四方莫能及焉寺院凡百三十九其名已列圖經今有增焉考其事迹可書而圖經未載者錄于此至於湖山郊野

吳郡志卷之五 寺觀

之聞所不知者蓋闕如焉又有寺名見於傳記而今莫知其處者晉何點兄弟居吳之波若寺又故傳唐有乾元寺戴逵之宅也宴坐寺張融之宅也又有龍華禪房唐慈崇福慈悲陸鄉數寺皆建於六朝之間而龍華宴坐之額乃陸柬之書今莫見之矣 吳郡志在城仙佛之宇皆中興重建或謂天慶觀門廊能仁報恩大殿比舊加壯云 盧志東南寺觀之勝莫盛於吳郡棟宇森嚴繪畫藻麗足以壯觀城邑歲月薦更重罹燹毀古跡多廢鞠爲茂草者有焉今姑錄其名額處所以備參攷若夫其詳則見諸碑碣題詠茲不復紀 姑蘇志吳中多佛老之區雖更洪武歸併而其廬故在焉旣不可廢則列其叢林而諸歸併者各附見焉

祠廟 盧志夫祀有國之大事郡縣之常典所以重民生崇報功也然有壇墀焉有廟貌焉今各陳於下云 姑蘇志吳中祠廟列祀典者祝文並從內降歲二祀或一